





重刻十代國書權敘



十六國書錄卷魏崔鴻所記晉
五胡亂華事之自晉書各載記
而此書不傳久矣屠侍御之孫
喬孫搜逸得之與項生琳之諸
爰校讐其闕於是此書遂完將

付之梓而屬序於余余讀之皆
淫毒奇怪可駭可俚古今所未
有之事隻輶欽江統之說行中
國繇此書矣嗟余因是而夤感
焉自古中國居內以制夷狄夷
狄居外以牽中國故唐虞盛在
尚夤猾夏之憂周宣中興不忘
獮稅出伐誠峻其防也魏氏不
懼不爲之防了徒而彘之內地
卒使介鱗易我冠裳犬羊羶我
樂土奮臂一呼天下響應生人
之禍至慘至酷鼎魏氏失計而

善心受其敝也夫虎狼非坐皇
所棲蛇虺豈沈沼所育縱百萬
異類於帝王所自大之地而柔
其靈息豈可尋哉此鞶鉞所爲
番計而江統所爲預圖也雖朕
未探其本之內治旣修勦夷狄

咸允腹外患一啓鼎夷廷咸允
敵向使忝帝育坐裕之策惠衷
育戡定之中政事畢張紀綱振
舉宮闈雍穆朝廷肅清賈后不
內亂而趙倫不外訏鼎玉燭調
龢金甌鞏固王猛爲我能臣張

軌爲我良將暨淵后軼符暨皆
可爲圓碑而墓容赫連乞伏皆
可鞭笞使乞安能據州跨郡僭
帝稱王猖狂恣肆若此哉故謀
國者當見微而知著善治者必
安內而後可外攘也天子有衛
守在圜夷中國治而四夷服矣
或曰此書皆穢蹟也何足存歟
乘輿檣杙同膏櫛也值在國
語太史公所采況當昔忠臣名
將高士淑女萃風義烈具載此
書剔此書固不辱而廢也

賜進士及第通議大夫吏部各
侍監兼翰林院侍讀學士記注
起居
經筵 日講官繡水朱國祚撰



重刻十六國春秋序



余嘗讀晉書載記自前趙劉
元海迄夏赫連勃勃凡二趙
三秦三涼四燕洎蜀與夏為
十四國并列傳所載前涼之
張軌西涼之李暠凡十六國

云及讀北齊崔鴻傳鴻該
經史留精著述撰有十六國
春秋凡百卷別作序例年表
各一卷則晉書諸載記及軌
騫傳大都摺撫鴻本詮次唐
編惜乎晉記流行崔書放散

十有六國梗槩麤具百五十
年佚事闕如厥有馬遷不廢
左國新唐是纂舊書猶存鴻
史獨不傳嗜古者慨焉屠遷
之氏累葉簪纓之胄充棟縹
緗之業破鄴侯之萬卷函惠

子之五車沉洽六籍汎濫百家乃博攷旁稽綴遺搜逸暨項羣玉氏爰訂斯編卽散騎全文不無挂漏視文皇御撰多所補拾矣要不獨史乘之碎金執林之片玉已也夫彦

鸞處雲擾之朝廣羅列乘遷之當蠹蝕之後博葺殘篇崔實有功晉史屠亦大裨崔書矣余受讀卒業循環嘉嘆終謂彥鸞之春秋賢於義慶之新語遷之訂輯優於孝標

之註釋夫玄風遠韻晉代樹
標韶音令詞世說霏玉余之
云然得無劇周美漢毀雅為
俗與然旁抽崔氏之列史不
無槩晉室之諸賢自孝惠不
靈賊后奸政八王競相俎醢

五胡紛煽腥穢夷乘輿於廝
隸封朝紳以京觀肝腦塗於
原野骸骨積乎丘山電掣星
分輿楸軸逆讀十六國所記
開闢以來宇宙之內喪亂穢
濁荼毒慘酷未有甚於斯時

者也此旅續卧薪之日尤冠
帶枕戈之秋言念涕懸興懷
腑裂固宜眠殮俱廢匡濟是
圖勵鞠躬之節奮累革之志
汎掃夷氛廓清華服斯鴻儒
之雅裁席臣之駿伐已乃自

王何導源稽阮揚波虛蕩相
高淫僻成俗嗤勤恪為俗吏
經營聲利之窟目信果為拘
儒跳躍禮法之治即雅號人
倫之雋夙負當世之望不免
漸靡風氣浸淫習尚嘯歌觴

咏談諧嘲諛如世說所稱非
不音徽映人風流足賞然此
雍熙之樂事隱逸之遊軌而
非危朝之極慮名世之勞勩
也彼孫蘇門劉南陽之倫孟
少孤謝慶緒之侶栖志煙霞

匿蹤衡泌身既隱矣吾何求
焉乃若內列巖廊外領方鎮
身都簪紱之榮家享鼎鍾之
奉所望扶皇輿於巔危極生
靈於焚溺願烽烟迷乎六合
談風月以為玄曠戎馬躡于

四郊揮塵拂而綜名理林園
臺榭之觀麗于熙朝絲竹管
絃之盛侈於樂國彼洒新亭
之淚擊中流之楫者幾何人
哉嗟孟孫景略之流既以
甘心偽朝茂弘安石之儔復

不能戮力王室功虧混一勢
成崩析坐令醜類遞興僭臣
割據即咳吐珠璣丰姿玉樹
振松下之勁風抱懷中之明
月名若美然國將焉藉余嘗
夷考其世尚論其人仕宦藉

乎門第減否判乎清談滑稽
片言輒相欣賞模稜三語不
難薦辟人爭羶慕世若狂迷
大較外託恬漠中含紛競以
不求名為釣聲之餌以無宦
清為躡榮之徑遺棄萬物而

不遺棄聲色脫落世故而不
脫落榮利初類不就徵拜晚
率係戀顯即彼懷異稱逆
之臣總屬譚玄課虛之士最
可異者一入風流之譜繆為
賞譽所歸即誕傲淫殘貪鄙

侈汰誇稱高致豔為美譚甚
而王火將軍桓大司馬不加
誅貶酷相讚嘆是反逆若為
固然而亂賊無足怪者風敗
俗淪網頽維絕於斯極矣冠
裳文獻綽有夷風又何誅乎

羯虜氏羗猾我華夏哉是以
中朝傾覆卞壺嘗厲色於王
謝神州陸沉桓溫亦歸咎於
戎衍彼義慶所述孝標所註
祇供騷雅之鼓吹無關勸誡
之權衡孰與十六國春秋備

述興亡之故具陳得失之林
善敗可以綏指是非不甚刺
謬尤足考信既往而垂鑒將
來者耶宜屠遷之重輯而行
之也嗟後之君子崇德修
業表俗維風上規三代下方

兩漢慎無侈空譚剽浮譽若
晉人然國家庶有賴哉
前進士天官司封員外郎樞
李賀燦然撰



十六國春秋叙

自皇晉失統胡塵闇於江
淮神器南移戎馬橫於關
洛兩都舊京鞠為茂州忠
臣憤惋義士傷懷劉淵以
席狼之性假白奴之悍五

部高嘯一旦推雄屠戮皇
支寔惟戎首淵死未幾聰
即篡嗣並后匹配閹豎盈
朝斃忠良于毒手辱天子
於執蓋自古篡奪於茲甚
已矐以疎族醜類偶運承

基用兵好殺取禍動敵師
之所至荆棘成林石勒起
自首虜終竊顯號仗奇劃
策併燕趙而吞韓魏開庫
釋胄追揖讓而滌腥羶雖
曰凶殘庶幾英傑惜其貽

願無謀身死嗣絕豈獸席
之肆其貪心亦由勒之寄
託非所神道惡盈物極必
反父子猜嫌兄弟讐隙禍
亂相踵豈非天哉慕容廆
天姿瓌異邊塞稱豪課農

講武招賢納衆故能廓一
方之業創累葉之規燬天
未厭亂而種類猶繁垂以
猜疑之虜梟張於鄴都德
以分崩之胄雀起于齊地
符秦挺草付之徵肇龍驤

之運賢雋賈其智勇懿戚
奮其才譖止馬栖鸞獻歌
成頌較數奸雄莫之與比
既而夸世悞諫黷武怒隣
步搖啟其禍先燒當乘其
亂極宗社為墟匹夫授首

天之所廢人豈能支姚興
藉先世之資推垂亾之敵
款僭燕以藩偽蜀夷隴右
以靜河西變起蕭牆戰無
寧歲元子庸悞堂構傾移
張軌李暠偏安巴蜀僻處

燉煌仗義勤王投誠納貢
匪惟地勢使然抑亦知機
神矣他如李雄據成都呂
光據姑臧乞伏國仁據枹
罕秃髮烏孤據廉川沮渠
蒙遜據張掖赫連勃勃據
朔方馮跋據和龍或擁名
都之鄉或帶連州之地華
夷異種延促殊齡干戈尋
於原野人命殄於鋒鏑莫
不垂旒負宸竊帝稱王雖
皆僭居上國終為假息遊

魂魏崔彥鸞舊有十六國
春秋一百卷始終遞變之
機善惡興衰之故足以昭
得失而垂勸戒者嚴且備
矣第世遠言湮全帙廢墜
卒不獲與正史並傳不朽
予與遷之竊相憫焉用是
多方採拾編次遺忘上下
二百餘年更歷數十餘世
如指諸掌宛在目前雖著
蔡不逮前修而芻蕘可備
逸史故畧述其梗槩如此

就李項琳之書



[Faint bleed-through text from the reverse side of the page, including characters like '就李項琳之書' and '春秋'.]

刻十六國春秋序

余甫脫荒蘭雅好讀史夫史氏必稱

春秋非昉自魯也案史通載汲冢璣

語記太丁時事命為夏殷春秋又有

晉獻公春秋及竹書紀年其叙錄皆

與魯春秋等故墨子曰吾見百國春

秋焉大聖筆而大義章嗣是有吳越

春秋或稱存自子蘧而晏虞呂陸皆
望下風以仍之武迄漢晉之代而江
都有作以天道箴好武之君孫氏習
氏各有以實錄糾倣紀之宰下洎
鄧粲馬彪之侶道鸞樂資之儔人思
托尼丘之一塵家竟附陽秋之一喙
而要以昉列著明足堪為正史羽翼
則毋如崔駰騎十六國之錄跡其搜
兩晉遺事稽列國掌故成一家言俾
十餘僭國百餘年行寔不致聲銷影
絕而無傳所自云善惡興滅之形用
兵乖合之勢六綦備矣至於今殘缺
淪亡學士罕得覩其全余竊痛之頃
以讀禮餘閒共中表項君博採贖採

詮次補葺爰經日月漸克成編維當
年載筆之舊不無闕遺乎而差不沫
古人用心之勤已因嘆司馬氏計成
鼠竊蠶伏女戎而諸戎爭伺間而窺
之引類奮呼中原板蕩劉淵首以五
部之衆倡亂汾陽而東門倚哺之雛
燕代步搖之族靡不乘時割據濁穢
中華趙分為二秦分為三燕分為四
涼分為五夏蜀各為一三才解紐九
鼎遷流磨牙吮血之災募弑屠戮之
酷令人掩冊不忍觀者乃草昧之造
邦英奇之筭略併僮暎虎變雲蒸
又令人接旨擊壺慷慨而若忘其亂
者是錄又烏可泯茲蓋晉永熙間荅

三
宰偷安王衍樂廣諸勝流想齊物之
高談忘經綸之格訓獨一進徙戎之
論者目為迂不果用卒至風驚塵起
銅駝并棘寓宇無君垂二百年拓跋
之後賀六澤宇文黑獺咸乘餘燼逮
唐初未能蕩平嗚呼誰之過與唯楚
有才晉實用之十六國能抗旌犯順

盜名字而建偽基皆張孟孫王景畧
諸人為之也王公設險惇德允元可
無慮耶願知春秋之義者存辛有野
祭之懼而無私為崔氏功臣則幾矣
崔氏百卷外又別作序例一卷年志
一卷之已無可得而觀而晁說之稱
司馬公休言溫公所考十六國春秋

猶非鴻當日全書則多直以方謝氏
之碎金等崑山之片玉耳安知夫墳
索金石之為昭、流在人間者毫不
漏古初之片言哉已酉夏五繡水屠
奮孫題

讀前趙錄

淵固梟姿哉夷陰象也聰之內嬖奸

豎固類相台耶馬之代曹猶不害陳
留王而聰再弒焉盜與夷等而報必
甚施其禍所為無子遺也獨惜殷之
孝元遠之忠而胡尚不明於逆順也
夫逆順不明蓋自三國時而然矣殷
進諸女國亡胎焉紫陽猶資之手曜
如不自立為君其功謀亦不可勝道

者哉

讀後趙錄

人知勦之興因謀於賓倚勇于席而不知尤賴先驅功者夷南談宣彭祖狂恣典午流宗支之毒屠各無帝王之圖皆深乎為勦功首也何意勦之更為他人地也天乎六末如之何已

矣談者或誇劉石以為能昌其家終而夷不累興鬼不遽佞寧得以一王易十族也若賓之為勦謀不幾來弓藏之嘆與而又何誅乎虎

讀前燕錄

人之憂兄弟間也蓋其難哉以虜若斃之明而骨肉多猜非恤亡以釁滅

至于亡者歸、而功多焉而猶不免也况其他乎吾有感玄恭之補兄而擁孤也即博陸讓烈矣吐渾絕迹避裔而後之昌逾乎燕不足明夷之當安於夷耶李績幼而狗舌對君不詭其辭古直士何以加諸韓景山之逸之儔皆佞材也燕多君子茲其能再

興歟

讀前秦錄

冠諸胡而稱盛去堅其相猛而治將羸耗而勝臣劾其能民頌其恩仁均乎疎戚而量足以色異類乃竟不能保一身也何莽猛之相也堅惟其言是從也沒而不聞薦一賢以代謀何

至于亡者歸、而功多焉而猶不免也况其他乎吾有感玄恭之補兄而擁孤也即博陸讓烈矣吐渾絕迹避裔而後之昌逾乎燕不足明夷之當安於夷耶李績幼而狗首對君不詭其辭古直士何以加諸韓景山之逸之儔皆假材也燕多君子茲其能再

興歟

讀前秦錄

冠諸胡而稱盛去堅蘇相猛而治將羗耗而滕臣劾其能民頌其恩仁均乎疎戚而量足以色異類乃竟不能保一身也何莽猛之相也堅惟其言是從也沒而不聞薦一賢以代謀何

其終不忍小婣於能臣而不虞愛生
乎孽子藉垂少言死六惡能奮乎已
又邈其先人則自倚虛佐劉琨翼捷
寬盜臣以來方之諸胡海有彼善于
此者長育中原誰謂神理或奕夫
讀後秦錄
弋仲之劾勇事趙也固其忠哉襄亦

智而不幸也莽之叛堅罪浮于垂乃
不遺餘力而僅勝存登其智勇概可
知矣興屢當法方可乘之期而仁柔
寡略任種于傳僧寇烈于屈丐維敲
孝思而招賢良安弭內外之構亂乎
再世而亡其無天道之餘烈矣若曰
什公曷不為全秦則吾未見稱名儒

講道理者之能匡國寧家也

讀南燕錄

異哉備德之為臣也由懿親屏重鎮
既失守而復二心焉謀取東齊詭托
中興當何顏謝趙思于地下也譽之
數言微具壯夫之氣超潛身獲返恣
為不道挑鄰怨而忘守陰慕容之祀
忽諸若劉裕復齊地而肆誅夷使人
謂王師所臨曾符姚之不如也君子
以知宗德之不長矣

讀夏錄

勃勃蓋凶德兼焉叛秦不忠背恩不
義好殺不仁侈大非禮重困民力不
君致諸子相屠不父亡微靡一不備

矣孰云可擬霸功哉是錄所編終于
其事有未悉予閱一小說謂勃勃方
敗為累雷震擊而亡意其或然耶聊
志于此

讀前涼錄

君子不憂戎虜而憂衣冠之虜不虞
寇盜而虞名教中之盜張軌安定名

家也皇甫士安張茂先之儔竟以明
徑延譽授之美官乃乘時跨授醜州
至于國危無親赴之兵遣代無能入
之人自立閔敷傳焉不已威重于六
卿僭倖于田常而徑術士之為國患
有過獯夷燒當之類耶矧其托外臣
以自安假稱制以自快後人非有虐

用其民者則國統六幾為詐暴之所
延矣吾特原心而厚誅之以附春秋
之義
讀蜀錄
巴氏非自亂刺史趙厥羅尚等迫而
成之也厥以叛尚等以墨吏之姦
適叛更使民已我不得已華又不得

其罪深于虜矣若雄則可稍原者亂
卒始自其父而能寬政安民又舍子
立侄惟失同宗宣之讓與夷其遠勝
劉聰之戕太弟哉乃不意世衰道微
而後有一義伸父仇忠懷歸音如龍
杜其人者寧直三巴之光也
讀後涼錄

進賢蒙厚福詎不位哉秦王盪定中
華固本景略所籌而寔由呂婆樓之
自舉也天下陰受呂氏之陽而不能
不食報于其嗣則光之興宜矣於光
因亂擅命使果照納楊翰之策張大
豫從王穆之言則光何以謀諸觀光
所強據涼州堪稱霸王之材而後緣

猜忿來三方之阻兵沒爽貽謀致教
傳之構亂將無光之樹於國未若而
父之樹于人耶

漢西秦南涼錄

二國皆起遐裔而乞伏旋弘于熾磐
秃髮終傾于傳僧二君所以造邦度
非有大異也而成敗相及何也兵詭

道也乞伏氏常用詐以餌敵而人稱
中之亦有倖勝以幾亡而已極更之
以敗而父子異國能為俘能為棄能
使人歸能使人勿殺深于詭也傳傳
義親乎熾磐而莫弭其怨威臣乎蒙
遜而翻益其敵術僅足以愚姚興而
東苑之殺已召樂都之亡韋宗所見
為五經之表復自有人者及見覆于
雌伏之虜也豈婚媾禍所伏與將患
得不患失之致然與雖於人生豕而
繫之人息我而已之磐乎誰有食其
餘者宜喪不校踵矣

讀西涼北涼北燕錄

曷之才明蒙遜之權智跋之度量其

乘邊守陣均足為一方之主也然蒙
遜險著于隘兄禮疎于對使級幽
臣之執良來勳親以遂萌方曷之治
濟文雅而心懷卒朝其猶有慚德乎
乃級愛民之政足希小康弟素弗容
才之公無慚相終觀者猶有取焉宜
馮氏昌魏而曷後人之啓于唐也

崔鴻本傳

北齊 中書令兼著作郎魏 收 奉 詔撰

崔鴻字彥鸞東清河餞人也曾祖曠從慕容德
南渡河居青州慕容氏滅事宋文帝為樂陵太
守祖靈延仕宋武帝龍驤將軍長廣太守宋太
宗時魏平三齊靈延與長子光竝徙代光以高
祖太和中拜中書博士遷中書黃門侍郎兼侍
中勅與李彪撰魏國書世宗卽位正除侍中加
撫軍將軍為太子傅世宗崩與受遺迎立太子

十一國春秋
卷之九
蕭宗卽位論功封博平公尋遷司徒進位太保
光弟敬友卽鴻父也仕本州治中後除梁郡太
守會遭所生母憂不拜敬友素精心佛道免喪
遂菜食終世大路設食以供行者鴻少好讀書
博綜經史太和二十年拜彭城國常侍景明中
稍遷尚書都兵郎中詔太師彭城王勰以下公
卿朝士儒學才明者三十人議定律令於尚書
上省鴻與光俱在其中時論榮之永平初爲行
臺鎮南長史遷員外散騎常侍領郎中延昌三

年以父憂解任甘露降其廬前樹復降其宅之
庭樹肅宗正光元年爲司徒長史加前將軍修
高祖世宗起居注光臨卒言鴻於肅宗詔鴻以
本官修緝國書尋卒贈鎮東將軍度支尚書青
州刺史鴻弱冠便有著述之志見晉魏前史皆
成一家無所措意以劉淵石勒慕容雋符健慕
容垂姚萇慕容德赫連勃勃張軌李雄呂光乞
伏國仁禿髮烏孤李暠沮渠蒙遜馮跋等竝因
世故跨僭一方各有國書未有統一乃撰爲十

六國春秋勒成百卷因其舊記時有增損褒貶
焉鴻二世事江左故不錄僭晉劉蕭之書又恐
識者責之未敢出行於外世宗聞其撰錄遣散
騎常侍趙邕詔鴻曰聞卿撰定諸史甚有條貫
便可隨成者送呈朕當於機事之暇覽之鴻以
其書有與國初相涉言多失體且既未訖迄不
奏聞後典起居乃妄載其表曰臣聞帝王之興
也雖誕應圖籙然必有驅除蓋所以剪彼慝政
成此樂推故戰國紛紜年過十紀而漢祖夷殄

羣豪開四百之業歷文景之懷柔蠻夏世宗之
奮揚威武始得涼朔同文特越一軌於是談遷
感漢德之盛痛諸史放絕乃鈐括舊書著成太
史所謂緝茲人事光彼天時之義也昔晉惠不
競萃戎亂起三帝受制於姦臣二皇晏駕於非
所五都蕭條鞠爲煨燼趙燕旣爲長蛇遼海緬
成殊域窮兵銳進以力相雄中原無主八十餘
年遺晉僻遠勢略孤微民殘兵革靡所控歸皇
魏龍潛幽代世篤公劉內修德政外抗諸僞并

冀之民懷寶之士襁負而至者日月相尋雖邠岐之赴太王謳歌之歸西伯實可同年而語矣太祖道武皇帝以神武之姿接金行之運應天順民龍飛受命太宗必世重光業隆玄默世祖雄才獻畧闡曜威靈農戰兼修掃清氛穢歲垂四紀而寰宇一同儋耳文身之長卉服斷髮之酋莫不請朔率職重譯來庭隱愍鴻濟之澤三樂擊壤之歌百姓始得陶然蘇息欣於堯舜之代自晉永寧以後雖所在稱兵競自尊樹而能建邦命氏成爲戰國者十有六家善惡興滅之形用兵乖會之勢亦足以垂之將來昭明勸戒但諸史殘缺體例不全編錄紛謬繁畧失所宜審正同異定爲一書伏惟高祖以大聖應期欽明御運合德乾坤同光日月建格天之功創不世之法開鑿生民維新大造陛下以青陽繼統獻武承天應符屈巳則道高三五順神至境則洞彼玄宗剖判百家斟酌六籍遠邁石渠美深白虎至如遵禮革俗之風昭文變性之化固以

感彼禽魚穆茲寒暑况愚臣沐浴太和懷音正始而可不勉強難革之性砥礪木石之心哉誠知敏謝允南才非承祚然國志史考之美竊亦輒所庶幾始自景明之初搜集諸國舊史屬遷京甫爾率多分散求諸公私驅馳數歲又臣家貧祿微唯任孤力至於紙盡書寫所資每不周接暨正始元年寫乃向備謹於吏案之暇草率構此區分時事各繫本錄破彼異同凡為一體約損煩文補其不足三豕五問之類一事異年

之流皆稽以長曆考諸舊志刪正差謬定為實錄商較大畧著春秋百篇至三年之末艸成九十五卷唯常璩所撰李雄父子據蜀時書尋訪不獲所以未及繕成輟筆私求七載於今此書本江南撰錄恐中國所無非臣私力所能終得其起兵僭號事之始末乃亦頗有但不得此書懼簡畧不成久思陳奏乞勅緣邊求採但愚賤無因不敢輕輒散騎常侍太常少卿荊州大中正臣趙邕忽宣明旨勅臣送呈不悟九臯微志

乃得上聞奉敕欣惶欣懼兼至今謹以所訖者
附臣邕呈奏臣又別作序例一卷年表一卷仰
表皇朝統括大義俯明愚臣著錄微體徒竊慕
古人立言美意文致疎鄙無一可觀簡御之日
伏深慚悸鴻意如此然自正光以前不敢顯行
其書自後以其貫重當朝知時人未能發
明其事乃頗相傳讀亦以光故執事者遂不論
之鴻經綜既廣多有違謬至如太祖天興二年
姚興改號弘始而鴻以爲改在元年太宗永興

二年慕容超禽於廣固鴻又以爲事在元年太
常二年姚泓敗於長安鴻亦以爲滅在元年如
此之失多不考正子子元祕書郎後永安中乃
奏其父書稱臣亡考故散騎常侍給事黃門侍
郎前將軍齊州大中正鴻不殞家風式續世業
古學克明在新必鏡多識前載博極羣書史才
富洽號稱籍甚年止壯立便斐然懷著述意正
始之末任屬記言撰緝餘暇乃刊著趙燕秦夏
西涼乞伏西蜀等遺載爲之贊序褒貶評論先

朝之日艸構悉了惟有李雄蜀書搜索未獲闕
茲一國遲留未成正光三年購訪始得討論適
訖而先臣棄世凡十六國名爲春秋一百二卷
近代之事最爲悉備未曾奏上弗敢宣流今繕
寫一本敢以仰呈儻或淺陋不回睿賞乞藏秘
閣以廣異家子元後謀反事發逃竄會赦免尋
爲其叔鴟所殺

十六國春秋總目

魏 散騎常侍 崔鴻 撰

卷第一

前趙錄一

卷第二

前趙錄二

卷第三

前趙錄三

卷第四



前趙錄四

卷第五

前趙錄五

卷第六

前趙錄六

卷第七

前趙錄七

卷第八

前趙錄八

卷第九

前趙錄九

卷第十

前趙錄十

卷第十一

後趙錄一

卷第十二

後趙錄二

卷第十三

十六國春秋
後趙錄三

卷第十四

後趙錄四

卷第十五

後趙錄五

卷第十六

後趙錄六

卷第十七

後趙錄七

卷第十八

後趙錄八

卷第十九

後趙錄九

卷第二十

後趙錄十

卷第二十一

後趙錄十一

卷第二十二

十六國春秋

三

十六國春秋

二

七

後趙錄十二

卷第二十三

前燕錄一

卷第二十四

前燕錄二

卷第二十五

前燕錄三

卷第二十六

前燕錄四

卷第二十七

前燕錄五

卷第二十八

前燕錄六

卷第二十九

前燕錄七

卷第三十

前燕錄八

卷第三十一

前燕錄九

卷第三十二

前燕錄十

卷第三十三

前秦錄一

卷第三十四

前秦錄二

卷第三十五

前秦錄三

卷第三十六

前秦錄四

卷第三十七

前秦錄五

卷第三十八

前秦錄六

卷第三十九

前秦錄七

卷第四十

卷前秦錄八

卷第四十一

卷前秦錄九

卷第四十二

卷前秦錄十

卷第四十三

卷後燕錄十一

卷第四十四

卷後燕錄十二

卷第四十五

卷後燕錄十三

卷第四十六

卷後燕錄十四

卷第四十七

卷後燕錄十五

卷第四十八

卷後燕錄十六

卷第四十九

卷後燕錄七

卷第五十六

卷後燕錄八

卷第五十一

卷後燕錄九

卷第五十二

卷後燕錄十

卷第五十三

卷後秦錄一

卷第五十四

卷後秦錄二

卷第五十五

卷後秦錄三

卷第五十六

卷後秦錄四

卷第五十七

卷後秦錄五

卷第五十八

後秦錄六

卷第五十九

後秦錄七

卷第六十

後秦錄八

卷第六十一

後秦錄九

卷第六十二

後秦錄十

卷第六十三

南燕錄一

卷第六十四

南燕錄二

卷第六十五

南燕錄三

卷第六十六

夏錄一

卷第六十七

卷夏錄二六

卷第六十八

卷夏錄三六

卷第六十九

卷夏錄四五

卷第七十

卷前涼錄四

卷第七十一

卷前涼錄三

卷七十二

卷前涼錄三

卷七十三

卷前涼錄四

卷七十四

卷前涼錄五

卷七十五

卷前涼錄六

卷七十六

蜀錄一

卷第七十七

蜀錄二

卷第七十八

蜀錄三

卷第七十九

蜀錄四

卷第八十

蜀錄五

卷第八十一

後涼錄一

卷第八十二

後涼錄二

卷第八十三

後涼錄三

卷第八十四

後涼錄四

卷第八十五

西秦錄一

卷第八十六

西秦錄二

卷第八十七

西秦錄三

卷第八十八

南涼錄一

卷第八十九

南涼錄二

卷第九十

南涼錄三

卷第九十一

西涼錄一

卷第九十二

西涼錄二

卷第九十三

西涼錄三

卷第九十四

北涼錄一

卷第九十五

北涼錄二

卷第九十六

北涼錄三

卷第九十七

北涼錄四

卷第九十八

北燕錄一

卷第九十九

北燕錄二

卷第一百

北燕錄三

明 就李

屠喬孫 訂

項琳之 同訂

陳繼儒

姚士粦

趙昌期

沈士龍

屠中孚

卜萬祺

曹仲麟

項鼎鉉

沈汝霖

屠懋和全校

萬曆三十七年蘭暉堂鏤板

十六國春秋總目

畢

十六國春秋前趙錄目

魏散騎常侍崔鴻撰

前趙錄一 春秋卷第一

劉淵

劉和

前趙錄二 春秋卷第二

劉聰上

前趙錄三 春秋卷第三

劉聰中

前趙錄四

春秋卷第四

劉聰下

劉粲

前趙錄五

春秋卷第五

劉曜上

前趙錄六

春秋卷第六

劉曜中

前趙錄七

春秋卷第七

劉曜下

前趙錄八

春秋卷第八

劉宣

劉盛

劉翼

劉胤

淵后單氏

聰后呼延氏

聰后劉氏

曜后羊氏

曜后劉氏

曜后劉氏

前趙錄九

春秋卷第九

王彌

劉靈

張嵩

劉殷

王延

陳元達

王廣

卜珮

趙染

范隆

崔遊

韋忠

董景道

王育

劉敏元

杜育

前趙錄十

春秋卷第十

郭汜

李景年

王延年

王雋

喬智明

喬晞

陳安

張寔

卜崇

呼延寔

魯憑

崔岳

田崧

游子遠

傅虎

臺產

陝婦人

前趙錄目

畢

前趙錄一

春秋卷第一

魏

散騎常侍

崔

鴻



劉淵

劉淵字元海新興匈奴中人先夏后氏之苗裔
曰淳維世居北狄千有餘歲至冒頓襲破東胡
西走月氏降服丁零內侵燕代控弦之士四十
餘萬漢祖患之使劉敬奉公主以妻冒頓約為
兄弟故子孫遂冒母姓為劉氏建武初烏珠留
若鞮單于子右奧鞮日逐王比自立為南單于

入居西河美稷今離石左國城卽單于所徙庭也後漢中平中詔發南匈奴兵配幽州牧劉虞討漁陽叛寇張純單于羗渠遣子左賢王於扶羅將騎詣幽州國人恐發兵無已於是右部醜落反與屠各胡合凡十餘萬人攻殺羗渠而於扶羅以其衆畱漢遂自立爲持至尸逐侯單于屬董卓作亂寇掠太原河東屯於河內於扶羅死弟呼厨泉立以於扶羅子豹爲左賢王豹卽呼厨泉之父也建安末呼厨泉入朝於魏魏武因畱

之於鄴使右賢王去卑監其國單于歲給綿織錢穀如列侯子孫傳襲其號乃分其衆爲五部以豹爲左部帥其餘部帥皆以劉氏爲之左部居太原茲氏右部居祁南部居蒲子北部居新興中部居大陵雖分屬五部然皆家於晉陽汾澗之濱與中國民雜居因選漢人爲司馬以監督之豹妻呼延氏魏嘉平中祈子於龍門有一白魚一作大魚頂有一角或作二角軒鬣躍鱗至於祭所久之乃去巫覡皆異之曰此嘉祥也其夜夢所

見魚變為人左手持一物大如雞子光景非常
 授呼延氏曰此是日精服之生貴子寤以告豹
 豹曰吉徵也吾昔從邯鄲張罔母司徒氏相云
 吾當有貴子孫三世必大昌彷彿相符矣自是
 十五月一作十月而生淵淵生左手有文曰淵海
 遂以為名齟齬英慧七歲遭母喪號叫擗踊哀
 感旁人宗族部落咸共歎賞一作美時司空太原
 王昶等聞而嘉之竝遣弔賻幼而好學不舍晝
 夜師事上黨崔遊習毛詩京氏易馬氏尚書尤

好春秋左氏傳孫吳兵法畧皆誦之史漢諸子
 無不綜覽嘗謂同門生朱紀范隆等曰吾每觀
 書傳嘗耻隨陸無武絳灌無文道由人弘一物
 之不如固君子耻之也二生遇高皇不能建封
 侯之業兩公屬文帝不能興庠序之美豈不惜
 哉於是文學武事竝皆工絕一作遂學武事及長
 猿臂善射膂力過人姿儀魁偉身長八尺四寸
 鬚一作髯長三尺餘當心有赤毫毛三根長三尺
 六寸屯留後作上黨崔懿之襄陵公師彧等皆善相

人及見淵驚而相謂曰此人形貌非常吾所未見也於是深相崇敬推分結恩咸熙中淵爲侍子在洛陽與東萊王彌憑結太原王渾渾虛襟友之命子濟拜焉文帝亦深待之泰始之後渾屢言之於武帝帝召與語悅之謂王濟曰劉淵容貌風儀機談鑒智雖由余日禪無以過也濟對曰淵容儀機鑒實如聖旨然其文武才幹賢於二子遠矣陛下若任以東南之事吳會不足平也帝稱善孔恂楊珧駿之弟也進曰吾觀劉淵之

才當今恐無其比陛下若輕其衆不足以集事若假之威權平吳之後恐其不復北渡也非我族類其心必異任之以本部臣竊爲陛下寒心若舉天阻之固以資之無乃不可乎帝默然及秦涼覆沒帝問將於上黨李熹熹曰陛下誠能發匈奴五部之衆假劉淵一將軍之號使將之而西樹機能之首可指期而梟也孔恂曰李公之言未盡殄患之理也熹勃然曰夫以匈奴之勁悍劉淵之曉兵奉宣聖威何不盡之有恂曰

淵果能平涼州斬樹機能則涼州之難方更深耳蛟龍得雲雨非復池中物也帝乃止後王彌從洛陽東歸與淵言別淵餞之九曲之濱泣謂彌曰王渾李熹以鄉曲見知每相稱薦一作達間因之而進深非吾願適足爲吾患耳因歔歔流涕時齊王司馬攸在九曲比聞而馳遣視之見淵在焉言於帝曰陛下不除劉淵臣恐并州不得久安王渾曰淵乃長者臣請爲陛下保明之且大晉方以信懷殊俗奈何以無形之疑殺

人侍子乎何德度之不弘也帝曰渾言是也會

父豹卒遂以淵代爲左部帥太康末改帥爲都尉拜爲匈奴北部都尉淵明刑法禁姦邪輕財好施推誠接物五部豪傑無不歸之幽冀名儒

後門一作侯門秀士不遠千里亦皆遊焉永熙元年

冬十月楊駿輔政以淵爲建威將軍匈奴五部大都督封漢光鄉侯元康末坐部人叛出塞免官永寧初成都王司馬穎鎮鄴表淵行寧朔將軍監五部軍事使將兵在鄴以淵子聰爲積弩

將軍太安中惠帝失御齊王冏長沙王乂與成都王穎等迭相殘廢州郡姦豪所在蜂起淵從祖故北部都尉右賢王劉宣等與族人竊議曰昔我先人與漢約爲兄弟憂泰同之自漢亡以來魏晉代興我單于徒有虛號無復尺土自諸王侯降同編戶今吾衆雖衰猶不減二萬奈何歛手受役奄過百年左賢王淵姿器絕人幹宇超世天若不欲恢崇單于必不虛生此人也况司馬氏骨肉相殘四海鼎沸復呼韓邪之業此

其時矣乃相與起兵於離石共推淵爲大單于淵時在鄴遂使其黨呼延攸詣鄴以謀告之淵白穎請歸會葬穎弗許淵令攸先歸告宣等使招集五部引會宜陽諸胡聲言應穎實欲叛之及穎爲皇太弟以淵爲太弟屯騎校尉惠帝伐穎次於蕩陰穎假淵輔國將軍都督北城守事及六軍敗績穎復以淵爲冠軍將軍封盧奴伯旣而并州刺史東瀛公騰安北將軍幽州刺史王浚遣烏桓騎攻穎於鄴穎師戰敗淵說穎曰

今二鎮跋扈衆十餘萬恐非宿衛及近郡士民所能禦也淵請爲殿下還說五部鳩合義衆以赴國難穎曰五部之衆果可保發不縱能發之鮮卑烏丸勁速如風雲何易可當邪吾欲奉乘輿還洛陽避其鋒銳徐傳檄天下以順逆制之君意何如淵曰殿下武皇帝之子有大勲於王室威惠光洽四海欽風孰不願爲殿下盡死力者何難發之有王浚豎子東瀛疎屬豈能與殿下爭衡邪殿下發鄴宮示弱於人洛陽可復

至乎縱至洛陽威權不復在殿下也紙檄尺書誰爲人奉之且東胡之悍不踰五部願殿下撫勉士衆靖以鎮之淵請爲殿下以二部摧東瀛三部梟王浚二豎之首可指日而懸矣穎大悅拜淵爲北單于叅丞相軍事時穎振武將軍王育說穎曰劉淵今去育請爲殿下促之不然懼不復至也穎然之以育爲破虜將軍使追之淵遂拘育以爲右光祿大夫淵至左國城右賢王劉宣等上大單于之號二旬之間有衆五萬都

於離石以子聰為鹿蠡王遣左於陸王劉宏率
 精騎五千會穎將王粹拒東瀛公騰粹已為騰
 所敗宏無及而歸王浚使將軍祈弘率鮮卑攻
 鄴穎敗挾天子南奔洛陽東瀛公騰乞師於魏
 桓帝姓拓跋諱倚也時為代公以擊淵桓帝與弟穆帝諱倚盧
 合兵擊淵於西河上黨大破之與騰盟於汾東
 而還桓帝使輔相衛雄段繁於參合陂西累石
 為亭樹碑以紀平淵聞穎去鄴歎曰不用吾
 言逆自奔潰真奴才也然吾與之有言矣不可

以不救於是命右於陸王劉景左獨鹿王劉延
 年等率步騎二萬討鮮卑烏丸宣等固諫曰晉
 人無道奴隸御我是以右賢王猛不勝其憤屬
 晉綱未弛大事不遂右賢塗地單于之耻也今
 司馬氏父子兄弟自相魚肉此天厭晉德授之
 於我單于積德在躬為晉人所服方當興我邦
 族復呼韓邪之業鮮卑烏丸我之氣類可以為
 援奈何拒之而拯仇逆今天假手於我不可違
 也違天不祥逆眾不濟天與不取反受其咎願

單于勿疑淵曰善當爲崇岡峻阜何能爲培塿乎夫帝王豈有常哉大禹生於西戎文王生於東夷顧惟德所授耳今見衆十萬皆一當晉十鼓行而摧亂晉如拉枯耳上可成漢高之業下不失爲魏武何呼韓邪足道哉雖然晉人未必同我漢有天下世長恩德結於民心是以昭烈崎嶇於一州之地而能抗衡於天下吾又漢氏之甥約爲兄弟兄亡弟紹不亦可乎今且可稱漢追尊後主以懷民望宣等稽首曰非所及也

乃遷都於左國城胡晉歸附者數萬

元熙元年冬十月宣等上尊號淵曰今晉氏猶存四方未定可仰尊高祖法且稱漢王權停皇帝之號待宇宙混一當更議之乃爲壇於南郊僭卽漢王位下令曰昔我太祖高皇帝以神武應期廓開大業太宗孝文皇帝重以明德昇平漢道世宗孝武皇帝拓土攘夷地過唐日中宗孝宣皇帝搜揚雋乂多士盈朝是我祖宗道邁三王功高五帝故卜年倍於夏商卜世過於姬

氏而元成多僻哀平短祚賊臣王莽滔天篡逆
我世祖光武皇帝誕資聖武恢復鴻基祀漢配
天不失舊物俾三光晦而復明神器幽而復顯
顯宗孝明皇帝肅宗孝章皇帝累葉重暉炎光
再闡自和安已後皇綱漸頽天步艱難國統頻
絕黃巾海沸於神州一作人州群閹毒流於四海董
卓因之肆其狂勃曹操父子凶逆相尋故孝愍
委棄萬乘一作國昭烈播越岷蜀冀否終有泰旋
軫舊京何圖天未悔禍後帝窘辱自社稷淪喪

宗廟之不血食四十年於茲矣今天誘其衷悔
禍皇漢使司馬氏父子兄弟迭相殘滅黎庶塗
炭靡所控訴一作告孤今猥爲羣公所推紹修三
祖之業顧茲阨閻戰惶靡厝但以大耻未雪社
稷無主銜胆棲冰勉從衆議乃赦其境內遂以
晉永興元年建元元熙國號曰漢追尊安樂公
禪爲孝懷皇帝立漢高祖以下三祖五宗神主
而祭之立妻呼延氏爲王后署置百官以右賢
王宣爲丞相崔遊爲御史大夫左於陸王宏爲

太尉劉歡樂爲尚書令范隆爲大鴻臚朱紀爲太常上黨崔懿之後部陳元達皆爲黃門侍郎族子曜爲建武將軍右於陸王景爲前將軍其餘拜授各有差淵率衆攻東瀛公騰騰遣將軍聶玄擊之戰於大陵玄兵敗績騰懼帥并州二萬餘戶下山東淵遂所在爲寇攻擊郡縣騰復乞師於桓帝衛操勸桓帝助之桓帝率精騎數千救騰斬淵將綦母豚淵南走蒲子十二月淵遣建武將軍曜寇太原取泫氏屯畱長子中都

皆陷之又遣冠軍將軍喬晞攻西河取介休

元熙二年春東瀛公騰遣司馬瑜周良石鮮等討淵次於離石城淵遣武牙將軍劉欽等六軍拒之瑜等四戰皆敗欽振旅而歸是歲離石大饑遷於黎亭以就邸閣穀畱太尉宏護軍將軍馬景守離石使大司農卜豫運糧給之

元熙三年冬十二月淵以前將軍景爲使持節征討大都督大將軍邀擊并州刺史劉琨於板橋爲琨所敗琨進據晉陽淵侍中劉殷右光祿

大夫王育進諫曰殿下自起兵已來漸已一周而顯守偏方王威未震誠能命將四出決機一戰一作擲梟劉琨定河東建帝號鼓行而南尅長安而都之以關中之衆席卷洛陽如指掌耳此高皇帝之所以剗起鴻基尅殄疆楚者也淵悅曰此孤心也

元熙四年春三月淵侵汲郡畧有頓丘河內之地遂還離石與劉琨相去三百里琨密遣間其部雜虜降琨者萬餘戶落淵甚懼乃徙都蒲子

河東平陽屬縣壘壁盡降時東萊王彌起兵青徐二州自稱征東大將軍攻殺二千石所在寇掠遣使來降淵拜彌鎮東大將軍青州刺史東萊郡公夏四月四部鮮卑陸逐延氏酋大單徵及石勒等竝相次來降淵悉署其官爵

永鳳元年春正月淵遣撫軍將軍聰等十將南據太行輔漢將軍石勒等十將東下趙魏夏四月王彌帥衆寇掠青徐兗豫四州兗州刺史苟晞與之連戰不能克丁亥轉寇許昌太傅東海

王越遣司馬王斌帥甲士五千人往衛京師五月彌入自轅轅敗官軍於伊北壬戌進至洛陽屯於津陽門司徒王衍帥衆禦之甲子衍與王斌等出戰彌敗歸淵淵遣侍中御史大夫郊迎及至拜司隸校尉加侍中特進秋七月甲辰淵進據河東攻寇蒲阪平陽太守宋抽棄郡奔京師河東太守路述戰死八月鳳凰集於蒲子丞相宣等六十四人上尊號冬十月甲戌僭卽皇帝位於南郊大赦境內殊死已下改元永鳳仍

稱國號曰漢時晉懷帝永嘉二年也十一月以世子和爲大將軍撫軍將軍聰爲車騎大將軍建武將軍曜爲龍驤大將軍十二月乙亥以大將軍和爲大司馬封梁王尚書令歡樂爲大司徒封陳畱王后父御史大夫呼延翼爲大司空封雁門郡公聰爲楚王又爲北海王曜爲始安王景爲汝陰王延年爲江都王洋爲長樂王賢爲曲陽王其餘宗室以親疎爲等悉封郡縣王異姓以勲謀爲差悉封郡縣公侯是年造刀一

口長三尺九寸文曰滅賊隸書

河瑞元年春正月辛丑

晉志作庚子

朔熒惑犯紫微

太史令宣于修之言於淵曰陛下雖龍興鳳翔奄受大命然遺晉未殄皇居仄陋紫宮之變猶鍾晉氏不出三年必尅洛陽蒲子崎嶇難以久安平陽氣象方昌兼以陶唐舊都願陛下上迎乾象下協坤祥請徙都之於是遷都平陽二月晉左積弩將軍朱誕來奔具陳洛陽孤弱勸淵攻之淵以誕為前鋒都督遣滅晉大將軍景為

大都督將兵攻洛陽

一作黎陽

晉遣車騎將軍王堪

將兵迎擊夏四月景敗堪於延津沈男女三萬

餘人於河澗淵聞之怒曰景何面目復見朕乎

且天道豈能容之吾所欲除者止司馬氏耳細

民何罪黜景為平虜將軍淵以王彌為侍中都

督征東大將軍青州牧與楚王聰共攻上黨圍

壺關以石勒為前鋒都督晉并州刺史劉琨遣

護軍黃肅韓述來救聰敗述於西澗勒敗肅於

封田皆殺之晉太傅越遣淮南內史王曠將軍

施融曹超等將兵拒聰曠既濟河欲長驅而前
融曰彼乘險間出我雖有百萬之衆猶是一軍
獨受敵也且當阻水爲固以量勢形然後圖之
曠怒曰君欲沮衆邪融退曰彼善於用兵曠聞
於事勢吾屬今必死矣曠等踰太行與聰遇戰
於長平間曠兵大敗融超皆死遂破陳畱長子
斬獲萬九千級上黨太守龐淳以壺關降五月
汾水中得玉璽高一寸二分方四寸文曰有新
保之一作寶蓋王莽時物也得者因增淵海光三

字而獻之淵以爲巳瑞乃大赦境內改元河瑞
封子裕爲齊王隆爲魯王秋八月淵復遣楚王
聰及征東大將軍王彌進攻洛陽始安王曜與
趙固等爲之後繼九月丙寅聰圍浚儀晉太傅
越遣平北將軍曹武征虜將軍宋抽將軍彭默
等拒之丁丑爲聰所敗太傅越入保京城聰等
長驅至西明門越率兵禦之戰於宣陽門外大
破之晉征西大將軍南陽王司馬模一作平昌公遣
將軍淳于定呂毅等破劉芒蕩五斗叟竝斬之

又遣車騎將軍王堪平北將軍曹武自長安討
 聰堪等敗績奔還京師聰自恃連勝怠不設備
 弘農太守垣延詐降夜襲聰軍聰大敗而還淵
 素服迎師冬十月復大發卒遣楚王聰始安王
 曜汝陰王景征東大將軍王彌等帥精騎五萬
 寇洛陽使大司空雁門剛穆公呼延翼率步騎
 繼之丙辰聰等至宜陽朝廷以漢兵新敗不意
 其復至大懼辛酉聰進屯西明門護軍賈胤北
 宮純等夜帥勇士千餘人薄之戰於大夏門斬

聰征虜將軍呼延顯聰眾遂潰壬戌迴軍屯洛
 水尋進屯宣陽門曜屯上東門彌屯廣陽門景
 攻大夏門乙丑呼延翼為其部下所殺眾自大
 陽潰歸淵勅聰等還師聰表稱晉兵微弱不可
 以翼顯死故還師固請畱攻洛陽淵許之戊寅
 聰親祈嵩嶽山令平晉將軍安陽哀王厲冠軍
 將軍呼延朗等督攝畱軍晉太傅越遣叅軍孫
 詢將軍丘光樓哀等率帳下勁卒三千自宣陽
 門乘虛出擊斬朗於陳聰聞而馳還厲懼聰之

罪已也赴水而死王彌謂聰曰今軍既失利洛陽守備猶固運軍在陝糧食不支數日殿下不如與龍驤還平陽裹糧發卒徐爲後舉下官當於兗豫之間收兵積穀伏聽嚴期不亦可乎聰自以請留未敢擅還宣于修之言於淵曰歲在辛未乃得洛陽今晉氣猶盛大軍不歸必敗淵馳遣黃門郎傅詢召聰等還師十一月甲申楚王聰始安王曜歸於平陽王彌出師轅轅流民之在潁川襄城汝南南陽河南者數萬家素爲

居民所苦皆燒城邑殺二千石長吏以應彌乞活帥李暉薄盛等帥衆衛京師遂追擊彌戰於新汲彌師敗績於是攝蒲阪之戍還於平陽十二月淵以陳畱王歡樂爲太傅楚王聰爲大司徒江都王延年爲大司空長樂王洋爲大司馬遣都護大將軍曲陽王賢與征北大將軍劉靈及安北大將軍趙固平北大將軍王桑東屯內黃王彌表左長史曹嶷行安東將軍東徇青州且迎其家屬淵許之

河瑞二年春正月乙丑朔大赦境內立單徵女
爲皇后梁王和爲皇太子封子义爲北海王遣
兵分寇徐冀兗豫諸郡又遣曹疑寇東平琅邪
夏四月王浚遣天水將軍祁弘擊破劉靈於廣
宗殺之秋七月楚王聰始安王曜平東大將軍
后勒及安北大將軍趙固圍河內太守裴整於
懷晉遣征虜將軍宋抽率兵救懷勒與平北大
將軍王桑逆擊破之河內人執整以降淵以整
爲尚書左丞河內督將郭默收整餘衆自爲塢

主庚午淵寢疾將爲顧託之計辛未以陳雷王
歡樂爲太宰長樂王洋爲太傅江都王延年爲
太保楚王聰爲大司馬大單于竝錄尚書事置
單于臺於平陽西復以齊王裕爲大司徒魯王
隆爲尚書令北海王义爲撫軍大將軍領司隸
校尉始安王曜爲征討大都督領單于左輔廷
尉喬智明爲冠軍大將軍領單于右輔左光祿
大夫劉殷爲左僕射右光祿大夫王育爲右僕
射任顓爲吏部尚書朱紀爲中書監護軍馬景

領左衛將軍永安王安國領右衛將軍安昌王
盛安邑王欽西陽王璿等皆領武衛將軍分典
禁兵丁丑召太宰歡樂等入禁中受遺詔輔政
巳卯薨於光極殿時晉永嘉四年也淵在位七
年太子和嗣立呼延攸等恨不參顧命乃謀殺
聰聰自西明門斬和於西室九月辛未葬淵於
永光陵謚曰光文皇帝廟號高祖

劉和

劉和字玄泰淵后呼延氏所生聰第四弟也身

長八尺雄毅美姿儀好學夙成習毛詩左氏春
秋鄭氏易及爲儲貳內多猜忌馭下無恩淵死
嗣僞位宗正呼延攸翼之子也淵以其無才行終身

不遷官侍中劉乘素不善於聰衛尉西昌王銳
恨不參顧命乃相與謀說和曰先帝不惟輕重
之勢而使三王總強兵於內大司馬握十萬勁
卒屯於近郊陛下今便爲寄主耳禍難未可測
也願蚤爲之計和卽攸之甥也遂淡然之辛巳
夜召領武衛將軍安昌王盛安邑王欽及領左

衛將軍馬景等告之盛曰先帝尚在殯宮四王
 未有逆節今忽一旦自相魚肉臣恐人不食陛
 下之餘且四海未定大業甫爾願陛下以上成
 先帝鴻基為志塞耳勿聽讒夫之言以疑兄弟
 詩云豈無他人不如我同父陛下既不信諸弟
 他人誰足信哉銳攸怒之曰今日之議理無有
 二領軍是何言乎於是命左右刃之盛既被殺
 欽懼曰惟陛下詔臣等以死奉之蔑不濟矣相
 與盟於東堂壬午銳帥馬景攻楚王聰於單于

臺攸率右衛將軍永安王安國攻齊王裕於司
 徒府侍中乘率武衛將軍安邑王欽攻魯王隆
 使尚書田密武衛將軍西陽王璿攻北海王乂
 密璿等挾乂斬關奔聰聰命貫甲以待之銳既
 知聰之有備馳還與攸乘等會攻隆裕復懼安
 國欽有異志殺之是日斬裕癸未斬隆甲申聰
 攻西明門克之銳等奔入南宮前鋒隨之乙酉
 殺和於光極西室收銳攸乘梟首通衢

就李屠喬孫

項琳之同訂

春秋第一卷

前趙錄二

春秋卷第二

魏散騎常侍崔鴻撰

劉聰上

劉聰字玄明一名載淵第四子也母張氏懷聰在孕夢日入懷寤以告淵淵曰此吉徵也慎勿言自是十五月而生聰夜有日一作白光之異形體非常左耳有一白毫長二尺餘甚光澤幼而敏悟好學博士朱紀大奇之年十四究通經書百家之言孫吳兵法靡不誦之工艸隸書尤善

屬文著述懷詩百餘篇賦頌五十餘篇十五習
擊刺猿臂善射彎弓三百斤膂力驍捷冠絕一
時太原王渾見而悅之謂淵曰此兒吾所不能
測也弱冠遊於京師當時名士莫不交結樂廣
張華尤器異之晉新興太守郭熙頤一作辟爲主
簿任以郡事舉良將入爲驍騎別部司馬齊王
司馬冏以爲國中尉出爲左部司馬尋遷右部
都尉善於撫綏五部豪右無不歸之太宰河間
王司馬顥表爲赤沙中郎將聰以淵在鄴懼爲

成都王司馬穎所害乃亡奔穎穎甚悅拜爲積
弩將軍叅前鋒戰事淵爲北單于立爲右賢王
隨還右部及卽大單于位更拜鹿蠡王淵稱大
號拜大司馬徙封楚王淵死子和嗣立西昌王
銳帥馬景攻聰於單于臺聰貫甲以待之銳等
馳入南宮乃追殺和及銳等群臣勸聰卽尊位
聰以北海王又皇后單氏之子也以位讓之又
與公卿涕泣固請聰久而許之曰又及群公正
以四海未定禍難尚殷貪孤年長故耳此國家

之事孤何敢辭今便欲遠遵魯隱俟又年長當

以大業歸之載記云待又年長復子明辟

光興元年秋聰僭即皇帝位於光極前殿大赦

境內殊死以下改元光興尊母單氏為皇太后

母張氏為帝太后以又為帝太弟領大單于大

司徒立妻呼延氏為皇后封子粲為河內王署

使持節撫軍大將軍都督中外諸軍事易為河

間王翼為彭城王悝為高平王遣使拜蒲洪平

遠將軍以石勒為并州刺史封汲郡公餘悉如

故冬十月遣河內王粲及征東大將軍王彌龍

驤將軍曜等帥眾四萬長驅入洛川遂出轅轅

掠梁陳汝穎間陷壘壁百餘時匈奴劉虎居朔

方肆盧川自號鐵弗氏與白部鮮卑帥眾來附

聰以虎為宗室封樓煩公十一月聰自以越次

而立忌其嫡兄恭因恭寢穴其壁間刺而殺之

以司空景為大司馬左僕射劉殷為大司徒右

僕射王育為大司空十二月偽太后單氏卒尊

母張氏為皇太后單后即又之母也年少美色

聰蒸焉又屢言之單后慚恚而死聰後知其故
 又寵因是漸衰然猶追念單氏未便廢斥聰后
 呼延氏屢以為言於是相圖之計起矣又舅光
 祿大夫單冲泣謂父曰疎不間親主上有意於
 河內王久矣殿下何不避之父曰河瑞之末主
 上自惟嫡庶之分以大位讓父父以主上齒長
 故相推奉天下者高祖之天下兄終弟及何為
 不可祭兄弟既壯猶今日也且子弟之間親疎
 詎幾主上寧可有此意乎聰安北大將軍趙固
 與晉車騎將軍王申始相拒於延津時黃霧晝
 昏人不相見固軍大敗始遂攻劉曜王彌於瓶
 壘大破之俘斬千餘級

嘉平元年夏四月趙固及平北大將軍王桑攻
 裴盾殺之五月署衛尉呼延晏使持節前鋒大
 都督前軍大將軍配禁兵二萬七千自宜陽入
 洛陽命王彌及始安王曜鎮軍將軍石勒引兵
 會之晏進河南晉師前後十二敗死者三萬餘
 人彌等未至晏留輜重於張方故壘癸未先至

洛陽甲申攻平昌門克之丙戌焚東陽宣陽諸門及諸府寺晉懷帝遣河南尹劉默拒之敗於社門六月丁亥朔晏以外繼不至出自東陽門俘掠王公已下子女二百餘人而還懷帝具船於洛水將濟河東遁晏盡焚之還於張方故壘時城內饑甚人自相食百官分散莫有固志庚寅司空荀藩及弟光祿大夫荀組奔轅轅太子左率溫畿夜開廣莫門奔小平津辛卯王彌至宣陽門壬辰始安王曜至西明門丁酉彌晏尅

宣陽門入南宮升太極前殿縱兵大掠悉收宮人珍寶懷帝開華林園門出河陰藕池欲奔長安晏兵追執之幽於端門曜自西明門入屯武庫戊戌殺晉太子詮吳王晏竟陵王琳尚書左僕射和郁右僕射曹馥尚書閭丘冲袁粲王緄河南尹劉默及諸王公已下三萬餘人於洛水北築爲京觀遂發掘諸陵焚燒宗廟宮府皆盡逼辱后妃曜納惠帝羊皇后遷懷帝及侍中庾珉等并傳國璽於平陽作赦書以六月十二日

破洛群王十二束手軍門貂蟬羽葆以充王府
丁未聰大赦改元嘉平以帝爲特進左光祿大
夫封平阿公以待中庾珉王雋爲光祿大夫秋
七月晉太尉征西大將軍南陽王司馬模使牙
門趙染戍蒲阪染求馮翊太守不得怒率衆歸
聰聰以染爲平西將軍八月聰遣趙染與安西
將軍雅帥騎二萬攻模於長安河內王粲始安
王曜帥大衆繼之染敗模於潼關將軍呂毅死
之長驅至下邳涼州將北宮純自長安率衆迎
降進圍長安模遣淳于定出戰敗績模倉庫空
虛士卒離散軍諮祭酒常輔曰事急矣早降可
以免禍模從之降於染染箕踞攘袂數模之罪
送之於粲九月粲殺模及其子范陽王黎以模
妃劉氏賜別將張本爲妻送衛將軍梁汾長史
魯繇兼散騎常侍杜鰲辛謚及北宮純等於平
陽聰以粲之害模也大怒粲曰臣殺模本不以
其晚識天命之故但以晉氏肺腑洛陽之難不
能死節天下之惡一也故誅之聰曰雖然吾恐

汝不免誅降之殃也夫天道至神理無不報時
 關西饑饉白骨蔽野士民存者百無一二冬十
 月署始安王曜為車騎大將軍開府儀同三司
 雍州牧更封中山王鎮長安王彌為大將軍封
 齊公石勒為幽州牧十一月彌為石勒所殺因
 并其眾表彌叛狀聰大怒遣使讓勒專害公輔
 有無上之心又恐勒之有二志也即以彌部眾
 配之加勒鎮東大將軍督并幽二州諸軍事領
 并州刺史以慰其心曜既據長安安定太守賈

疋與諸氏羌皆送任子於聰惟雍州刺史麴特
 新平太守竺恢馮翊太守索綝固守不降安夷
 護軍麴允頻陽令梁肅自京兆南山將奔安定
 遇疋任子於陰密擁還臨涇謀復晉室推疋為
 平西將軍率眾五萬攻曜於長安扶風太守梁
 綜及麴特竺恢等亦率眾十萬會之曜遣劉雅
 趙染攻疋雅等先攻竺恢不克疋要擊大敗之
 曜又盡長安銳卒與疋等戰於黃丘曜眾大敗
 身中流矢退走疋追之至於甘泉一作渠旋自渭

橋襲梁州刺史彭蕩仲殺之後蕩仲子天護率群胡攻疋疋遂敗走夜墮澗中爲天護所殺聰以天護爲梁州刺史杜人王禿紀持及麴特等擊河內王粲於新豐粲還平陽曜攻陷池陽掠萬餘人歸長安十二月晉閻鼎等奉秦王業爲皇太子入於雍城兵勢大振關西胡晉翕然響應

嘉平二年春正月聰后呼延氏卒諡曰武元甲戌聰以司空王育尚書令任顗女爲左右昭儀中軍大將軍王彰中書監范隆左僕射馬景女皆爲貴人右僕射朱紀女爲貴妃皆金印紫綬聰將納太保劉殷女太弟又固諫聰以問於太宰延年太傅景景等對曰臣常聞太保自云劉康公之後與陛下殊源納之何害聰悅使兼大鴻臚李弘一作恒拜殷二女英娥爲左右貴嬪位在昭儀上又納殷女孫四人皆爲貴人位次貴嬪謂弘曰此女輩姿色超世女德冠時且太保於朕實自不同卿意安乎弘曰太保胤自有周

與聖源實別陛下正以姓同爲恨耳且魏司空東萊王基當世大儒豈不達禮乎爲子納司空太原王沉女以其姓同而源異故也聰大悅賜弘黃金六十斤曰卿當以此意諭我子弟輩於是六劉之寵傾於後宮聰希復出外事皆中黃門納奏左右貴嬪決之二月聰假懷帝儀同三司封會稽郡公庾珉等以次加秩聰引帝入讌從容謂帝曰卿昔爲豫章王時朕與王武子造卿武子稱朕於卿卿言聞其名久矣以卿所製

樂府歌示朕因謂朕曰聞君善爲辭賦試爲看之朕時與武子俱爲盛德頌卿稱善者久之又引朕射於皇堂朕得十二籌卿與武子俱得九籌卿贈朕柘弓銀研卿頗記否帝曰臣安敢忘之但恨爾日不早識龍顏耳聰曰卿家骨肉相殘何其甚也帝曰此殆非人事皇天之意也大漢將應乾受歷一作應天受命故爲陛下自相驅除耳且臣家若能奉武皇帝之業九族敦睦陛下何由得之至日夕乃出聰喜以小劉貴人賜帝謂

帝曰此名公之孫也今特以相妻卿善遇之拜
 劉為會稽國夫人三月聰遣鎮北將軍靳冲寇
 太原平北將軍卜珣率眾繼之不克遂圍晉陽
 魏穆帝拓跋遣兵來救乙未冲兵敗走卜珣之
 卒先奔冲歸罪於珣輒斬之聰聞而大怒曰此
 人朕所不得加刑冲何人哉遣御史中丞浩衍
 持節斬冲聰又納舅子輔漢將軍張寔二女徽
 光麗光為貴人太后張氏之意也夏四月聰封
 子敷為渤海王驥為濟南王鸞為燕王鴻為楚

王勣為齊王權為秦王操為魏王持為趙王左
 都水使者襄陵王攄坐魚蟹不供將大作匠望
 都公靳陵坐温明徽光二殿未成皆斬於都市
 聰遊獵無度晨出暮歸觀魚於汾水以燭繼晝
 中軍大將軍王彰切諫曰今大難未夷餘晉假
 息陛下不懼白龍魚服之禍至昏夜忘歸陛下
 當思先帝創業之艱難嗣承之不易鴻基已奠
 四海屬情何可墜之於垂成隳之於將就比觀
 陛下所為臣實痛心疾首且愚人歸漢之心未

專思晉之心猶盛劉琨咫尺刺客縱橫帝王輕
 出一夫敵耳願陛下改往修來則億兆幸甚聰
 大怒命斬之上夫人王氏彰女也叩頭乞哀乃
 囚之詔獄太后張氏以聰刑罰過差三日不食
 太弟父子粲竝輿襯切諫聰怒曰我豈紂桀幽
 厲乎汝輩何以生來哭人太宰延年太保殷及
 公卿列侯百有餘人皆免冠涕泣固諫曰光文
 皇帝以聖武膺期創建鴻祚而六合未一夙世
 升遐陛下睿德自天龍飛紹統東平洛邑南定

長安真可謂功高周成德超夏啓往也唐虞今
 則陛下歷觀書記未有其比而頃來以小務不
 供亟斬王公直言忤旨據囚大將遊獵無度機
 管不修臣等竊所未解此臣等相與破肝糜胃
 忘寢與食也聰慨然曰朕昨大醉非其本心微
 公等言之朕不聞過各賜帛百疋使侍中持節
 赦彰曰先帝賴君如左右手君著勲再世朕敢
 忘之此段之過希君蕩然君能盡懷憂國朕所
 望也今進君驃騎將軍定襄郡公後有不逮幸

數匡之雍州刺史麴特等圍長安數月中山王
曜連戰敗績驅掠士女八萬餘口退奔平陽五
月聰貶曜爲龍驤大將軍行大司馬使河內王
粲攻司徒傅祗於三渚右將軍劉參攻郭默於
懷城會祗病卒城陷粲遷祗子暢及其孫純粹
并士女二萬餘戶於平陽聰贈祗太保純粹皆
給事中以其忠於主也謂暢曰尊公雖不達天
命然各忠其主吾亦有以亮之但晉主已降天
命非人所支而虔劉南鄙沮亂邊萌此其罪也

以元惡之種而贈同勲舊逆臣之孫而荷榮禁
闈卿知皇漢之德弘曠否暢曰陛下每嘉先臣
不以小臣之故而虧其忠節及是恩也自是明
主伐國弔民之義臣輒同萬物未敢謝生於自
然六月聰欲立貴嬪劉英爲皇后張太后欲立
貴人張徽光聰不得已許之英尋卒大昌文獻
公劉殷卒聰以河間王易爲車騎將軍彭城王
翼爲衛將軍竝典禁兵宿衛高平王悝爲征南
將軍鎮離石濟南王驥爲征西將軍築西平城

以居之魏王操為征東將軍鎮蒲子安北大將
 軍雍州刺史趙固平北大將軍豫州刺史王桑
 欲引兵歸平陽軍中乏糧士卒相食乃自破虜
 津西渡攻掠河北郡縣使人自懷求迎於聰聰
 遣鎮遠將軍梁伏疵將兵迎之未至長史臨深
 將軍牟穆帥眾一萬叛歸劉演固隨疵而西桑
 引其眾歸青州固遣兵追之殺桑於西梁桑將
 張鳳率其餘眾歸演聰以固為荊州刺史領河
 南太守鎮洛陽晉平北將軍劉琨移檄州郡期

以十月會平陽擊聰琨素奢豪喜聲色河南徐
 潤以音律得幸于預政事護軍令狐盛數以為
 言勸琨殺之琨不從潤譖盛於琨曰盛將勸公
 稱帝矣琨竟收盛殺之盛子泥遂奔於聰具言
 虛實聰大悅遣河內王粲中山王曜等攻并州
 以令狐泥為鄉導屬上黨太守龔醇帥眾降聰
 雁門烏丸復反琨聞之親帥兵東出收兵於常
 山及中山使部將郝詵張喬將兵來拒戰於武
 灌喬等敗死晉陽危懼太原太守高喬并州別

駕郝聿以晉陽降粲秋八月庚戌琨還救晉陽不克乃與左右數十騎攜其妻子奔於趙郡之亭頭遂如常山粲曜入晉陽壬子令狐泥殺琨父母粲曜送尚書盧志侍中許遐太子右衛率崔瑋於平陽聰復以曜為車騎大將軍以前將軍劉豐為鎮北大將軍并州刺史鎮晉陽九月聰以盧志為太弟太師崔瑋為太傅許遐為太保高喬令狐泥郝聿皆為武衛將軍己卯聰衛尉梁汾奔長安辛巳前雍州刺史麴特討河內

王粲於三輔粲敗走關中擾亂冬十月乙酉聰封子恒為代王逞為吳王朗為潁川王皐為零陵王旭為丹陽王京為蜀王坦為九江王晃為臨川王丁亥以司空王育為太保驃騎大將軍王彰為太尉尚書令任顓為司徒左僕射馬景為司空右僕射朱紀為尚書令中書監范隆為左僕射前軍大將軍呼延晏為右僕射先是劉琨與穆帝倚盧也時稱代王結為兄弟至是乃告急於穆帝且乞師焉穆帝遣長子賓六須一作六修及桓

帝子普根將軍衛雄范班箕澹等率眾數萬為前鋒以攻晉陽琨收散卒千餘為之鄉導穆帝自帥眾二十萬繼之至於狼猛一作盆城曜及賓六須戰於汾東曜兵敗績墜馬中流矢身被七創討虜將軍傅虎以馬授曜驅令渡汾自還戰死曜入晉陽夜與大將軍河內王粲鎮北大將軍豐等掠晉陽百姓踰蒙山遁走十一月穆帝帥騎來追戰於藍谷粲兵敗績斬征虜將軍邢延及劉儒劉豐簡金張平等三千餘級伏屍數百

里甲午粲等遁還穆帝因大獵壽陽山陳閱皮肉山為之赤琨自營門步入拜謝固請進軍穆帝曰吾不早來致卿父母見殺誠以相愧今卿已復州境吾既遠來士馬疲敝且待後舉劉聰未可滅也遺琨馬牛羊各千餘疋車百乘而去畱其將箕澹段繁等戍晉陽十二月聰立張貴人徽光為皇后以其父寔為左光祿大夫
 嘉平三年春正月丁丑朔聰大會群臣於光極殿逼懷帝著青衣行酒侍中光祿大夫庾珉王

雋等不勝悲憤因之號哭聰惡之有告珉等謀以平陽應劉琨者二月丁未聰鳩殺帝於平陽誅珉雋等故晉臣五十餘人復以會稽國劉夫入爲貴人大赦境內殊死已下先是侍中隴西辛勉隨帝至平陽聰欲署爲光祿大夫固辭不受聰遣黃門侍郎喬秉賫藥酒逼之勉曰大丈夫豈以數年之命而虧高節事二姓見武皇帝哉引藥將飲秉遽止之曰主上相試耳君真高士也歎息而去聰嘉其貞節深敬異之爲築室

於平陽西山月致酒米勉亦辭而不受乙亥太后張氏卒諡曰光獻張皇后不勝哀丁丑亦卒諡曰孝武己卯定襄忠穆公王彰卒三月聰立左貴嬪劉娥爲皇后爲之起鸚儀樓於後庭廷尉陳元達諫曰臣聞古之聖王愛國如家故皇天亦祐之如子夫天生蒸民而樹之君使司牧之非以兆民之命窮一人之欲也晉氏闇虐視百姓如艸芥故上天勅絕其祚眷祐皇漢蒼生引領庶幾息肩懷更生之望有日矣我高祖光

文皇帝靖言惟茲痛心疾首故身衣大布居不
重茵先皇后嬪服無綺綵重逆群臣之請乃建
南北二宮今光極之前足以朝群臣饗萬國矣
昭德溫明已後足以容六宮列十二等矣陛下
龍興已來外殄二京不世之寇內興殿觀四十
餘所加之軍旅數興餽運不息饑饉疾疫死亡
相繼兵疲於外民怨於內爲之父母固若是乎
伏聞詔旨將營鸚儀中宮新立誠臣等樂爲子
家者也竊以大難未夷宮宇麤給今之新營尤

實非宜况有晉遺類西據關中南擅江表李雄
奄有巴蜀王浚劉琨窺窬肘腋石勒曹嶷貢稟
漸踈陛下釋此不憂乃更爲中宮作殿豈目前
之所急乎昔太宗承高祖之業惠呂息役之後
四海之富天下之殷粟帛流行尚惜百金之費
輟露臺之役歷代比美迹垂不朽故能斷獄四
百擬於成康陛下承荒亂之餘所有之地不過
太宗之二郡戰守之備非特匈奴南越而已孝
文之廣思費如此陛下之狹欲損如此愚臣所

以敢昧死犯顏色冒不測之禍也聰大怒曰朕
爲萬幾主將營一殿何問汝鼠子乃敢妄言沮
衆不殺此鼠子朕殿何當得成命左右曳出斬
之并其妻子梟首東市使群鼠共穴時聰在道
遙園李中堂元達先鎖腰而入卽以鎖鎖堂下
樹呼曰臣所言者社稷之計而陛下殺臣若死
者有知臣當上訴陛下於天下訴陛下於先帝
朱雲有言臣得與龍逢比干遊於地下足矣未
審陛下何如主耳左右曳之不能動聰怒甚大

司徒任顓光祿大夫朱紀左僕射范隆驃騎大
將軍河間王易等叩頭流血曰元達爲先帝所
知受命之初卽引置門下盡忠竭慮知無不言
臣等竊祿苟安每見之未嘗不發愧今所言雖
狂直願陛下容之因諫諍而斬列卿其如後世
何聰默然劉后在後堂聞之密遣中常侍私勅
左右停刑手疏切諫具劉后傳聰怒乃解引元達而
謝之易逍遙園爲納賢園李中堂爲愧賢堂夏
四月壬申愍帝卽位於長安聰遣中山王曜及

司隸校尉喬智明虎牙將軍李景年等寇長安

平西將軍趙染帥衆赴之晉安夷護軍始平太

守一作大都督趙允據黃白城以拒之五月曜等進

屯蒲坂時允累爲曜等所敗晉遣安東將軍索

綝爲征東大將軍將兵助允六月晉平北將軍

劉琨與穆帝會於陘北謀擊聰秋七月琨進據

藍谷穆帝乃遣普根屯於北屈琨遣監軍韓據

自西河而南將攻西平聰遣大將軍祭等拒琨

驃騎大將軍易等拒普根蕩晉將軍蘭陽等助

守西平琨等聞之引兵還聰使諸軍仍屯所在

爲進取之計九月趙染謂曜曰趙允率大衆在

外長安空虛可襲而取之旣得長安黃白城自

服願大王以重衆守此染請輕騎襲之曜乃承

制加染前鋒大都督安南大將軍以精騎五千

配之進攻長安王師敗於渭陽將軍王廣死之

庚寅染夜入長安外城帝奔射雁樓染焚燒龍

尾及諸營殺掠千餘人辛卯旦退屯逍遙園壬

辰將軍麴璽自阿城帥衆五千來救癸巳染引

兵退鑿追擊之與曜遇於零武鑿兵大敗曜自恃連勝不為設備冬十一月麴允引兵襲曜連戰敗之殺冠軍大將軍喬智明曜退入粟邑遂歸平陽十二月曜忌河南魏浚素得衆心乃率軍圍浚於石梁兗州刺史劉演河內太守一作河州郭默遣軍救之曜分兵逆擊戰於河北伏兵深隱處邀擊演默軍大破之盡虜其騎浚夜遁走為曜所獲殺之浚族子該隨浚赴難先領兵守金墉城故得無他曜引還餘衆復依該時杜預子尹為弘農太守屯宜陽界一泉塢水經註作一合塢數為曜兵所抄掠尹要該共拒之該遣其將馬瞻三百人赴尹瞻知其無備夜襲殺尹迎該入塢塢人振懼竝服從之遂與李矩郭默相結以拒曜兵又與河北尹任愔相連後漸饑弊曜兵攻之日至欲率衆南徙衆不從該遂單騎奔南陽馬瞻帥餘衆降曜

就李 屠喬孫 同訂
項琳之

